

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
NOV 30 1940

T/3150/2569.83

3

絳縣志卷之八

哈佛大學漢和  
圖書館珍藏印

人物上

周

士蒞晉獻公時爲大夫桓莊之族偪獻公患之用士  
蒞謀盡殺羣公子使城絳以都之又諫伐虢悼公  
時命右行辛爲司空使修士蒞之法

里克晉獻公時爲中大夫獻公使太子申生伐東山  
臯落氏克諫帥師行旅非太子之事師在制命稟  
命則不威專命則不孝君之適嗣不可以帥師後

驪姬欲譖太子而難里克使優施以歌試之計乃得行後卒殺奚齊卓子而欲納文公惠公立伏劍而死

荀息晉獻公時大夫以屈產之乘與垂棘之璧假道於虞以伐虢師還滅虞後傅奚齊獻公疾以孤託之後里克等殺奚齊荀息立公子卓以葬里克復殺之荀息死焉

狐突晉獻公時爲大夫懷公命無從亡人期而不至無赦突子毛及偃從重耳在秦不召懷公執而殺

之

狐毛突子從晉文公出亡城濮之戰將上軍設二旆以敗楚

狐偃字子犯突子從晉文公出亡獻公薨秦伯召公舅犯教以亡人無寶仁親以爲寶對及齊齊桓公妻之公安之姜與子犯謀醉而遣之文公立勸以勤王城濮之戰佐上軍偃以上軍夾攻子西楚師敗績文公出穀戍釋宋圍一戰而霸皆子犯之謀趙衰字子餘從晉文公出亡在外十九年以壺殮從

餒而弗食秦伯享公子犯曰吾不如衰之文也請使衰從公子賦河水秦伯賦六月衰曰重耳拜賜文公立初爲原守後佐中軍衰在狄時狄人以叔隗妻之生子盾文公又妻以女生原同屏括樓嬰卒諡成

魏犢畢萬孫初從晉文公出亡城濮之役爲戎右入曹蕘僖負羈氏魏犢傷於胷公欲殺之而愛其材使視之犢束胷見使者距躍三百曲踊三百乃舍之子呂錡爲晉卿

介之推從晉文公出亡在外嘗割股以療公饑及立賞從亡者之推不言祿祿亦弗及遂與其母隱於綿山而死後文公旌之以田

卻縠晉文公時將中軍被廬之蒐謀元帥趙衰曰卻縠可臣聞其言說禮樂而敦詩書君其試之

先軫初佐晉下軍城濮之戰以上德故將中軍敗楚師襄公時敗秦師於殽獲其三帥襄公因文嬴之請釋秦囚軫怒而唾後狄伐晉軫自以爲無禮於君免胄入狄師死焉

樂枝欒共叔之孫晉城濮之戰枝將下軍使與曳柴而偽遁以誘楚師卒諡貞

荀林父文公時爲下軍御戎敗楚師於城濮佐下軍敗秦師於河曲景公時將中軍師敗於邲後伐鄭滅赤狄賞以千室代卻缺爲政卒諡桓後爲中行氏世爲晉卿

士會士蔿子事晉文公襄公食邑於隨及范故稱隨季亦稱范季襄公死趙盾使士會逆公子雍於秦靈公立雍不得入會奔秦秦人用之晉患焉趙盾

用卻成子之言復會邲之戰會將上軍晉師敗上軍獨不動後執晉政以卻克欲逞志於齊遂請老卻缺卻芮子初以父罪耕於冀曰季使過冀見缺耨妻饁之敬相待如賓與之歸言諸文公以爲下軍大夫襄王二十三年晉敗狄於箕缺獲白狄子公命缺爲卿復與之冀河曲柳棼諸戰皆將有功靈公初說趙盾歸衛地復說盾召士會歸晉定王六年代盾將中軍九年求成於狄衆狄皆服於晉卒諡成子克執晉政

狼暉爲晉襄公右箕之役先軫黜之其友曰盍死之  
暉曰吾未獲死所死而不義非勇也及戰於彭衙  
以其屬馳秦師死焉君子謂狼暉於是乎君子  
趙盾衰子初佐中軍陽處父爲盾能易爲中軍帥始  
爲國政靈公不君盾驟諫公使鉏麇賊之麇觸槐  
而死公又伏甲攻之其右提彌明及公介靈輒救  
之乃免卒諡宣子朔嗣爲大夫

董狐晉太史靈公欲殺趙盾盾出奔己而趙穿弒公  
盾遂復狐書曰趙盾弒其君以示於朝盾曰不然  
狐曰子爲正卿亡不越境反不討賊非子而誰孔  
子稱爲古之良史

荀首林父弟景公時爲下軍大夫邲之戰彘子以中  
軍佐濟首曰此師殆哉果遇必敗楚熊負羈囚其  
子知罃首曰不以人子吾子其可得乎射連尹襄  
老獲之射公子穀臣囚之後果以二者易知罃歸  
卒諡莊

韓厥韓萬玄孫景公時爲司馬鞏之戰執齊丑父以  
獻趙氏之滅厥言於公曰成季之勲宣不可以無

後於是復立趙武而反其田簡王元年晉人謀去故絳君郇瑕厥謂不如新田公從之欒書等將弑厲公執厥厥辭曰二三子不能事君焉用厥也後代欒書爲政卒諡獻

欒書盾之子景公時佐下軍邲之戰鄭皇戍如晉師曰楚不設備子擊之鄭師爲承書曰鄭不可從我克則來不克遂往以我卜也趙朔善其言曰必長晉國簡王二年書救鄭與楚師遇於繞角楚師還晉師遂侵蔡楚師救蔡趙同趙括欲戰知莊子范文子韓獻子諫不可書曰善鈞從衆三卿爲主可謂衆矣

伯宗晉大夫景公欲救宋伯宗曰不可天方授楚未可與爭乃止晉侯將伐潞子諸大夫皆曰不可伯宗曰狄有五罪必伐之遂滅潞伯宗每朝其妻必戒之曰盜憎主人民惡其上子好直言必及於難後三郤果譖而殺之子伯州黎奔楚

重人不知姓名梁山崩晉侯以傳召伯宗伯宗辟重曰辟傳重人曰待我不如捷之速也問其所曰絳

人也問絳事焉曰梁山崩將召伯宗謀之問將若之何曰山有朽壤而崩可若何國主山川故山崩川竭君爲之不舉降服乘緼徹樂出次祝幣史辭以禮焉其如此而已雖伯宗若之何伯宗請見之不可遂以告而從之

郤克缺子景公時爲上軍大夫邲之戰佐上軍與士會保其卒不敗定王十五年晉使克徵會於齊齊頃公帷婦人使觀之克登婦人笑於房克怒十八年齊侵魯救之克將中軍敗齊師於鞏卒諡獻子

錡厲公時大夫簡王八年使乞師於魯以伐秦錡佐士燮將上軍敗楚鄭後爲胥童等所殺

魏顆孳子初孳有妾無子疾命顆曰必嫁是疾病則曰必以爲殉及卒顆嫁之及定王十四年顆與秦師戰於輔氏見老人結草以克杜回故獲之夜夢所嫁婦人之父謂之曰爾用先人之治命余以是報

士燮士會之子初武子將老屬其從二三子唯敬鞏之戰燮佐上軍師還燮後入武子曰無爲我望爾



也乎對曰師有功國人喜以逆之先入必屬耳目焉是代帥受名也故不敢武子曰我知免矣鄢陵之戰燮欲僞逃楚以舒憂師旋使祝宗祈死曰君驕侈而克敵是天益其疾也難將作矣是年卒諡曰文子句亦秉晉政

知罃荀首之子食知邑故稱知氏邲之戰爲熊負羈所囚後荀首佐中軍晉歸楚公子穀臣楚亦歸罃後從欒書敗秦師於麻隧又迎悼公於周韓厥老代爲政相悼公凡十二年晉以復霸卒諡武子盈

卻至卻克族子厲公時大夫簡王七年如楚聘且泣盟楚子享之金奏作於下驚而走出曰下臣不敢麻隧之役至佐新軍十一年晉伐鄭復佐新軍戰於鄢陵至三遇楚子之卒見必下免胄而趨風楚師遁明年厲公嬖臣胥童等譖於公卻氏聞之欲攻公至曰受君之祿是以聚黨有黨而爭命罪孰大焉遂與錡犇並遇害

荀偃林父孫庚子鄢陵之役偃佐上軍靈王十三年悼公薨於綿上以偃遂將中軍平公卽位偃帥師

敗楚侵方城之外代知罃爲政十八年平公伐齊  
偃禱於河而濟齊師遁遂以中軍克京茲反濟河  
而卒諡曰獻子吳嗣職

士匄士燮子靈王八年聘魯告將用師於鄭公享之  
匄賦標有梅將出季武子賦彤弓匄曰先公文公  
受彤弓於襄王以爲子孫藏匄也先君守官之嗣  
也敢不承命君子以爲知禮十三年悼公蒐於綿  
上使匄將中軍讓於荀偃而佐之十九年侵齊及  
穀聞喪而還時稱知禮是年代荀偃爲政

趙武朔子盾孫也同括之難武從姬氏畜於公宮及  
長韓厥請立之悼公卽位使佐新軍代范匄爲政  
令薄諸侯之幣而重其禮宋之盟叔向說武務德  
無爭先武從之乃先楚人相晉八年晉國無亂卒

諡文

韓無忌厥之子悼公初以其鎮靖與荀家荀會樂廩  
並爲公族大夫使訓卿之子弟及厥告老將立之  
無忌有廢疾辭請立弟起公謂無忌仁能長公族  
大夫卒諡穆子襄平嗣爲公族大夫

韓起厥之子無忌弟也無忌稱其賢讓立之悼公使佐上軍靈王八年諸侯伐鄭起與荀偃將上軍鄭人行成平陰之役起與趙武以上軍圍盧還自沂上魯襄公享之於蒲圃賜以三命之服二十五年聘於周王使請事對曰晉士起將歸時事於宰旅無他事矣王曰韓氏其昌阜於晉乎二十六年宋向戌欲弭諸侯之兵以告晉起言而許之後聘魯觀書於太史氏見易象與魯春秋曰周禮盡在魯矣聘鄭起有環其一在鄭商起買諸賈人子產不可起遂辭玉列聘諸國賦詩贈荅無失禮後代趙武爲政卒諡宣子須

祈奚爲悼公中軍尉平公卽位爲公族大夫請老公問嗣稱解狐其讐也將立之而卒又問對曰午也可時羊舌職死公問孰可代奚舉羊舌赤君子謂奚能舉善稱其讐不爲諂立其子不爲比舉其偏不爲党後叔向以其弟羊舌虎黨欒盈見執奚與范宣子言諸公而免之

魏絳魏犢子悼公時爲中軍司馬公弟揚干亂行於

曲梁絳戮其僕公欲殺之絳授僕人書將伏劍公讀其書跣而出曰吾子之討軍禮也子無重寡人之過使佐新軍絳請和諸戎曰諸侯新服我德則睦否則攜貳勞師於戎諸華必叛公說使絳盟諸戎修民事田以時又請施舍以息民三駕而楚不能與爭賜以金石之樂卒諡莊子舒

師曠字子野爲晉樂師悼公曰衛人出其君不亦甚乎對曰或者其君實甚天之愛民甚矣豈其使人肆於民上以從其淫而棄天地之性必不然矣平公時忽聞有楚師師曠曰吾歌南風多死聲楚必無功景王十二年石言於晉魏榆曠曰石不能言或馮焉不然民聽濫也抑或作事不時則有非言之物而言叔向曰君子之言信而有徵

士鞅士匄子平公卽位爲公族大夫靈王二十三年欒盈帥曲沃之甲緣因魏舒以入絳士匄奉公如固宮鞅逆魏舒命驅之士匄逆諸階賂以曲沃欒氏乘公門鞅用劍以帥卒乃退欒氏

荀吳偃子晉平公時卿景王十七年吳自著雍以上

軍侵鮮虞大獲而歸十八年帥師圍鼓鼓人或請以城叛弗許使鼓人殺叛人而繕守備告力盡而後取之不戮一人卒諡穆子寅

輿人不傳姓名晉平公時晉悼夫人食輿人之城杞者絳縣人或年長矣無子而往與於食有與疑年使之年曰臣小人也不知紀年臣生之歲正月甲子朔四百有四十五甲子矣其季於今三之一也吏走問諸朝師曠曰魯叔仲惠伯會郤成子於承筐之歲也是歲也狄伐魯叔孫莊叔於是乎敗狄

於鹹獲長狄僑如及虺也豹也而皆以名其子七十三年矣史趙曰亥有二首六身下二如身是其日數也士文伯曰然則二萬六千六百有六旬也趙孟問其縣大夫則其屬也召之而謝過焉曰武不才任君之大事以晉國之多虞不能由吾子使吾子辱在泥塗久矣武之罪也敢謝不才遂仕之使助爲政辭以老與之田使爲君復陶以爲絳縣師而廢其輿尉

羊舌肸字叔向職子習於春秋爲平公傅與齊晏嬰

鄭國僑魯叔孫豹吳季札友善宋之盟宋公享晉  
楚之大夫趙孟爲客子木與之言弗能對使叔向  
侍言焉子木亦不能對子木歸語王曰宜晉之霸  
也有叔向以佐其卿楚無以當之不可與爭平公  
嘗射鵠不死使豎襄搏之失公怒拘將殺之叔向  
諫乃免與韓起如楚送女靈王欲傲以所不知而  
不能亦厚其禮晉閻嘉與周甘人爭田周使詹桓  
伯讓晉叔向爲言於韓宣子歸閻田於周平邱之  
會叔鮒求貨於衛叔向禁之晉人將尋盟齊人不  
可叔向曰晉禮主盟懼有不治奉承齊犧而布諸  
君求終事也君曰余必廢之何齊之有唯君圖之  
齊人懼乃盟事悼平昭三公幾四十年以德義輔  
君以博識嫻禮聞列國孔子稱爲古之遺直後卒  
其子食我黨於祁盈族遂滅

魏舒絳子敬王二年代韓宣子爲政分祁氏之田以  
爲七縣分羊舌氏之田以爲三縣使司馬彌牟等  
十人爲之大夫子戊亦與焉仲尼聞魏子之舉也  
以爲義曰近不失親遠不失舉梗陽人有獄賂舒

以女樂辭之

按左傳莊公二十六年夏士蔿城絳以深其宮  
杜註絳晉所都也今平陽絳邑縣又成公六年  
夏四月晉遷於新田杜註晉復命新田爲絳故  
謂此爲故絳新田平陽絳邑縣是據此則絳與  
新田皆在平陽之絳邑蓋晉漢以前之絳邑統  
今州境及聞喜地較今絳縣爲廣而春秋晉國  
人物顯名於故絳新絳者雖不盡在今絳縣境  
內而地名旣仍其舊亦無從別其非絳縣人而  
擯之茲就左傳國語史記諸書所載晉國人物  
擇其尤著者盡列人物門卽劉子駿所云寧過  
而立之之意也

北齊

敬顯儁字孝英少英俠有節摻交結豪傑爲羽林監  
高祖臨晉顯儁因使謁見與語說之乃啟爲別駕  
及舉義以儁爲行臺倉部郎中從攻鄴令儁督造  
土山城拔又從平西湖轉都官尙書與諸將征討  
累有功又從高祖平寇難破周文帝敗侯景平壽

春定淮南又畧地三江口多築城戍累除兗州刺

史卒 見北齊書

隋

程元絳人文中子在絳元因薛收而來與之言六經

元退謂收曰夫子載造彝倫一匡皇極微夫子吾

其失道左見矣於是備聞六經之義元嘗偕收見

文中子問曰二生之學文奚志也對曰尼父之經

夫子之續不敢怠也文中子曰允矣君子展也大

成居而安動而變可以佐王矣文中子嘗謂聞過

而有喜色程元能之謂李靖智勝仁程元仁勝智

而又嘗許程元王季逸之文王凝曰夫子得程仇

董薛而六經益明對問之作四生之力也

唐

敬君弘北齊尚書右僕射顯儁曾孫也累功歷驃騎

將軍封黔昌侯以屯營兵守立武門隱太子之死

左右解散其車騎將軍馮立者有才武嘆曰生賴

其寵死不共難我無以見士大夫乃與巢王親將

謝叔方攻立武門殊死鬪君弘挺身出或曰事未



可判當按兵待變成列而鬪可不從與中郎將  
呂世衡呼而進皆戰歿詔贈君弘左屯衛大將軍  
敬暉字仲睦絳人初爲衛州刺史狄仁傑薦之擢右  
臺中丞及張柬之爲相引爲羽林將軍謀誅張易  
之張昌宗等梟首於天津南收其黨韋承慶等繫  
獄明日武后傳位太子中宗卽位復國號曰唐旣  
而武三思與韋后譖之罷政事賜爵平陽王隨黜  
爲滑州刺史貶崖州司馬流瓊州武三思遣使矯  
詔殺之

譚忠祖琮天寶末令內黃殉城忠豪健喜兵范陽節  
度劉濟與二千人障白狼口後將漁陽軍畱范陽  
元和五年伐趙魏博節度田季安欲先捍之忠時  
使魏入語季安曰是引天下之兵也不如悉甲壓  
境陰遺趙人書使遺魏一城魏得持之奏捷則伯  
基安矣季安曰善遂用其謀忠歸燕謀欲激燕伐  
趙會濟合諸將議忠疾對曰天子必不使我伐趙  
趙亦不備燕濟怒擊之使人視趙果不備燕后一  
日詔果來使無伐趙濟召問何以知之忠曰此潞

盧從史計以燕馭忠也濟乃下令軍中曰五日畢出後者醢以徇遂屠趙饒陽東鹿十四年趙人獻城冬誅濟忠因說濟弟總曰凡天地數窮合必離離必合河北與天下相離六十年矣此亦數之窮也必與天下復合總泣且拜曰吾心定矣明年春總去范陽卒於趙忠護喪西數日亦卒忠官至御史大夫弟憲安次令

張子英見唐書孝友列傳以割股聞詔旌閭賜帛

宋

張觀字思正縣之范柴里人少謹愿好學中服勤辭學科第一授將作監丞通判解州坐失劾鹽池吏降監河中府稅復通判果州改秘書省秘書郎仁宗初遷太常丞擢右正言直史館爲三月度支判官同修起居注改右司諫知制誥判登聞僉院出知杭州還判國子監權發遣開封府事進爲翰林學士知審官院累遷左司郎中以給事中權御史中丞災異求直言上四事一曰知人二曰嚴禁三曰尙質四曰節用河北水又條七事曰導積水以

寬播種緩催欠以省禁錮寬刑法以振淹獄收屯田以罷歸復罷工役以先急務止配率以阜民財通商旅以濟艱食復知審官院遂拜同知樞密院事康定中西兵失利議點鄉兵久不決遂與王巖陳執中俱罷以資政殿學士尙書禮部侍郎知相州徙澶州河壞縣陳埽或請趨北原觀曰太守獨去如州民何躬率卒徒增築之隄完水亦退徙鄆州請弛鹽禁以便民歲免黥配者不可勝計歷知應天府孟州河南府以吏部侍郎兼御史中丞請便郡養父居業以觀文殿學士知許州月餘拜左丞父憂哀毀旣練卒贈吏部尙書諡文孝觀嘗上書願以官授父眞宗嘉之以居業爲京官及觀貴居業至大府卿嘗嘉洛山川風物觀買田宅營林榭以適其意蚤起奉藥膳然後出視事未嘗一日廢也恬曠少欲書必楷無一行草仁宗飛白書清字賜之以賞其節云

元

孔錦山字晉望雄勇多智畧善騎射初襲父爵千夫

長從征累有功戰於茶山墜馬騰上者三世祖賜  
錦衣弓矢鞍勒累陞礪門等處鎮守萬戶子禿魯  
卜有父風次也先不華俱礪門等處副千戶佩虎  
符

王仲嘉丰姿明秀性好學善談論嘗藏書至萬卷官  
至海濱鹽使

尉遲德誠字信甫祖天澤霍州御衣局人匠總管父  
彙潞州知州德誠歷官太子率更丞至大元年改  
詹事院都事二年遷家令司丞仁宗以爲謹恪常

賜酒帛得侍左右數薦士出則未嘗語人廳事前  
有粟苗不種而萌偶出一莖雙穗衆以爲嘉禾陞  
家令四年遷爲河東山西道宣尉司同知擊姦吏  
寬稅歛上計入見上方食賜以餽餘擢工部尚書  
尋改陝西行臺治書侍御史延祐元年遷京幾都  
漕運使二年拜遼東道肅政廉訪使上疏言事曰  
勞諸王以懷其心防出入以嚴宮禁立諫官以遠  
讒佞崇科舉以求人材立常平以備荒年汰僧道  
以寬民力舉賢良以勵忠孝抑奢侈以厚風俗及

拯鈔法裁冗官等事未報卒年五十三

通志作絳州人

韓亨甫由中書省椽授監察御史後調東平路總管

至正間毛貴作亂守城死節贈陝西行中書參議

通志作

絳州人

絳縣志卷之九

人物下 鄉飲賓附

明

石堅董封里人洪武十七年歲貢初任齊河縣典史

擢行人司行人負忠義饒膽畧永樂時高麗不庭

堅抗疏請往平之上問計將安出對曰兵難遙度

陛下第命臣臣必有以復陛下上奇其論遂命行

堅單騎往面高麗主宣布朝廷威德謂若不服吾

當勦滅爾國高麗王笑謂予一人至吾國何敢大

言堅曰固知若必殺我但與師來勦若輩不爲虜  
粉乎高麗主拜服卒不煩一兵以片言讐屬國使  
奉正朔還授按察司副使

王彬陳村里人由永樂丙戌進士任直隸興濟知縣  
時運河衝決城郭漂搖久難修築彬臨河歎曰天  
欲溺吾民何如溺我卽投河有門役挽帶隨之越  
明日漂尸於縣堂冠帶如生濟民感之爲立祠歲  
時祭禱焉

郭鑑董封里人宣德己酉舉人官廣西道御史出知  
兗州府加參政銜致仕歸河津薛文清瑄爲題小  
像贊以杜詩趙抃比之

張環字瑤夫宋莊里人弘治癸丑進士初令直隸棗  
強縣有廉名後歷內黃鎮安知縣累官至泰州知  
州環資性剛方好學不輟門下遊學者甚衆自號  
曰菜菴子弟璉弘治壬子舉人亦任內黃知縣莊  
簡明決頗著政績後官至寧州知州

張廣習義坊人爲人秉性忠厚砥行端方喜施濟樂  
聞人善爲鄉里所矜式子讓弘治戊午舉人天資

敏捷善古文詞尤篤於友愛與兄分產辭多受寡人咸稱之

張體仁廣玄孫由貢生任陝西鄠縣主簿初體仁謁選時嘗夢與程夫子同坐及到任廳事前有古槐土人呼爲程子槐始知明道先生亦曾爲是官遂悟前夢每事宗法程子清介有名

郭懷義習義坊人長於吟咏好學不倦由貢生歷官蒲城教諭永昌教授師範嚴正多士宗之

任維屏通明坊人性穎悟學問淵博由歲貢任河陰令居官廉正治本經術深得民心歸里後施賑活人無算鄉人皆德之

張夢鯉字子化陳景里人萬曆丁丑進士任山東臨淄令篤志好學積書萬卷居官亦多善政

王修下柏里人以歲貢歷官文水訓導平順教諭制行端莊舉動不苟年九十餘居鄉猶好學不倦後喬也里蓋大卿官保德州學正歸亦年至九十餘儀貌修整字畫端楷人每並稱焉

續統字正傳通明坊人天資敏慧諸子百家過目不

忘年十四補博士弟子員事繼母以孝聞由歲貢授河南汝州訓導教士子先德行而後文藝講解不倦汝士咸感其教思後轉周府教授會疾作辭歸卒子唐祚拔貢能文克紹家學  
吉大來習義坊人學問淵博長於吟咏嘉靖壬午舉人任藍田知縣歸里後創修邑志惜舊本不傳今僅存其序云

郭永固范壁里人萬曆己酉舉人令渭南有惠政改令甘泉崇禎間流寇充斥永固憑城接戰手刃二賊賊擁上城遂被殺妻焦氏亦罵賊遇害樞歸至雒川賊黨仍懷舊恨開棺劈尸肝腦俱盡按臣吳甦以聞七年賜祭葬十年贈光祿卿廕一子  
呂邦寧鄭柴里人性聰敏幼年卽有文名及長學更博雅由恩貢任河南封邱訓導啟迪後學諄諄不厭封邱之士被其教者甚多

譚登仕馮村里人由恩貢任同州訓導轉秦安教諭擢令雒南服官清慎按使張薦於朝有學先性命理究天人不受贄儀不通私謁之語性嗜學嘗以



大學配河洛圖書文太青稱爲眼空千古歸里後  
遇歲大祲上書汪副使力言煮粥不若給米多所  
全活平居足不入城市就塾教授從遊者甚衆所  
著有太極圖解四書事天象畧道一九論等書行  
世子田明別有傳

陳讓陳村里人由歲貢任蓋厓訓導遷靜樂教諭大  
寧都司教授未至任歸性至孝善事繼母學使傅  
舉德行第一靜樂學宮宅舍久頽讓殫力修葺歸  
里後值歲祲讓哺饑人瘞齒骼置祭田善舉甚衆  
所著有易經說四書一得隨筆久訛一訂諸書行  
世卒蓋厓祀名宦邑祀鄉賢

周九官宋莊里人由貢生任太原縣訓導立身嚴正  
不諂事長官邑令與庠士蘇復生等有隙預爲申  
文乘夜持詣學廸押九官正色拒之乃止後遷壽  
陽教諭時值凶荒餓殍載道九官捐俸以贍貧士  
壽陽士人咸感佩之

任維清通明坊人崇禎間以貢授永寧訓導端嚴莊  
重時舉忠孝節義事規切諸生流寇至城破維清

罵賊不屈因遇害祀永寧名宦後本邑祀鄉賢  
撤君賜字賓王史村里人丰姿秀雅爲諸生有聲譽  
一時從遊甚衆後由歲貢選荊州府訓導時流寇  
充斥其子涕泣勸勿行君賜鞭其手以去旣至任  
與諸生陳說忠義事亶亶不倦崇禎壬午冬十二  
月李自成破荊州監司以下皆遁去君賜獨正衣  
冠端坐明倫堂賊至罵不絕口而死

國朝順治間崇祀鄉賢十八年荆郡士人請祀名  
宦

劉養德董封里人由例貢任招遠縣主簿招地濱海  
地多荒蕪養德至任後循行阡陌悉心勸導開墾  
荒地四十餘頃招撫流離人戶民感其德擢藩府  
工正在任勤慎遇事匡諫王以効職忠勤四字賜  
之以疾致仕歸卒於家

趙養志宋莊里人萬曆間官潮陽知縣時潮邑土寇  
出沒民甚苦之養志親至賊穴宣示德威賊衆感  
服境內由是無患弟養民以吏任良鄉縣丞清勤  
奉職值歲大祲養民規畫賑務甚有條理民賴以

活者甚衆

康兆民馮村里人天性孝友待異母弟友愛尤篤爲弟子員耿介端凝當世咸服其品時史御史宅中嘗有妖爲患兆民至妖卽不見人皆以爲神異實因其平日爲人方正邪不足以勝之也學使舉德行第一子四維別有傳

康四維兆民子崇禎甲戌武進士任西陽河守備遷山西都司僉書累陞廣西掌印後賊兵抵城下四維奮臂巷戰與其妻子俱殲焉

郭帝都畱孟里人邑廩生讀書明大義平居周急濟困見重鄉黨崇禎末流寇蜂起蹂躪邑境帝都督鄉兵禦賊不克被害

國朝康熙四十八年祀鄉賢時貢生盧繼芳及尊王里人曹浩均以鄉兵討寇死之

范應奎生員幼孤奉母盡孝非禮不爲嘗拾同里人糧銀還之

國朝

郭自修橫水里人性梗直少讀書卽以忠義自負比

膺歲薦授安遠知縣束裝偕二僕就道子弟有請行者不許蒞任後理民事不少懈未二年綱舉目張尋以石城失守調石城甫至而山賊張自聖率衆來攻自修督民守禦久之城破賊已入自修猶立城頭指揮既而左右悉散遂爲賊執自聖誘以好語逼之降自修端坐大罵不少屈自聖怒手刃於城下邑人哀其忠歛而葬焉康熙六十年孫維屏迎櫬歸石城人郊祭者數十里不絕後祀鄉賢陳所優陳村里人由武進士任陝西寧羗衛守備順治六年姜逆擾平陽南境盤踞絳邑優自寧羗歸敷陳國威數其罪狀力詬之賊怒遂殺於邑之柳莊村後祀鄉賢

張養心賀陳里人邑庠生幼孤事母馬氏以孝聞賊陷堡母被賊害棄於水中時心被執痛母死非其命號痛不欲生賊念其孝釋之每逢忌辰輒哀號躄踊若初喪者終其身未嘗有改也

王天扶史村里人性仁厚四歲喪父比長奉母郭氏至孝母好施扶仰體親志散粟以濟饑民捐貲完

人婚葬者尤多子廩監生用亦能承父志族有八旬老婦失明貧不能自存用時給其衣食嘗行過汾河遇有漂溺者用出貲命救已無及因買棺殮之又捐置宗田以贍族人咸稱其有父風焉孫尚書犯村里人順治六年土賊猖獗縣境母王氏年逾八旬衰老不能舉動書棄妻子負母避難行至中途爲賊所執劫其隨從書依戀老母涕泣哀懇賊欲殺書母以絕其內顧書冒鋒刃護母願以身代被刃而死賊感其孝因釋其母幼子奇抱屍而哭三日後面猶如生

馬時泰畱孟里人豪俠好義崇禎末歲大饑時泰出粟以濟窮餓者又捐地置義塚年至七十不忘兄弟食時必集兄弟於一堂率以爲常子機事二親孝與人交必誠信順治六年父時泰被賊虜機號泣追至中途願以身代賊感其孝父子俱釋後賊圍本莊索糧食機與之粟百石圍遂解闔莊俱免後邑令彭敬慕其人賓之鄉飲及卒鄉人俱爲流涕

劉化育永樂里人順治辛丑武進士任湖廣道士泚  
都司營守備治兵安民恩威兼濟楚人倚爲長城  
性至孝順治六年羣盜數十標掠村落時化育母  
病篤不能舉動賊至家人悉奔散化育獨依母傍  
毫無懼色賊感其孝義嘆服而去

尉懷遠長三里人性至孝父病卧床五載懷遠躬侍  
湯藥衣不解帶父歿泣血三年未嘗見齒後由武  
舉任寧波衛守備奉差領運遇寇同事者皆逃避  
懷遠獨不懼與其長子生員弼王拒敵漕糧得以

無失嗣因追滅海寇糧盡無援被賊困辱不屈而  
死賊投其屍於河時其子弼王從卽投河抱父屍  
載沉載浮者數四得舟人救乃出旣殮與其弟翼  
王扶柩歸葬弼王有勇力性至孝痛父死 國事  
悲哀廬墓旋以毀卒翼王亦以孝友稱事寡嫂撫  
孤姪尤盡其道

原世儒范璧里人望子順治二年拔貢任平海衛經  
歷時海賊鄭芝龍犯順世儒將之官有尼其行者  
曰賊勢方熾盍少待以避之世儒曰我職雖微固

朝廷命官也豈畏賊乎遂行將至任所遇賊賊逼之投順世儒不屈而死

吉鳴謙字正之習義坊人爲諸生時苦志勵學中順治甲午舉人出宰夏津涖任後勤農桑禁游惰夏津之民翕然化之又創立義學延名師以課士公餘卽與諸生講求文法多所指授一時隣邑之士咸聞風而至康熙甲子科入闈分校悉心披閱得士顏光敷孔興祥等五人皆當世知名士初鳴謙未入闈時嘗夜夢孔子與顏子列坐孔子撫其背而稱之曰此子真吾徒也如是者三覺而異之及榜發果有二裔羣相傳爲異事後以老乞歸里居力行善事鄉人咸感其德

曹天寵郇王里人由歲貢任伊陽訓導遷沁州學正日與生徒講學不輟所造之士顯達者多沁州武鄉缺官按使金嘗借才焉所著有四書心印藏於家時仇張里侯嘉允由貢官五臺訓導亦雅意作人士林咸仰戴之歸里後舉鄉飲正賓

李自美字玉林北柳里人順治戊子副榜任江西瑞

州府通判先是瑞屬新昌有偽漢時浮糧十餘萬  
賠累三百餘年民甚苦之自美至以己職司糧務  
力請於上官乃得除糧民困以甦及歸襆被而行  
囊橐蕭然壬申歲邑饑自美鬻地以賑鄉里又捐  
地爲義塚至今猶有稱道其事者

陳所抱陳村里人讓子順治己亥進士初爲長武令  
地瘠民貧抱至勸以耕織民漸殷實公餘與諸生  
講學課文士習文風俱爲改觀俸滿擢淮安同知  
百姓泣送至百里外及到淮安任釐奸剔弊僚屬  
咸敬憚之時淮民有陳汝漢陳汝白以人命被誣  
繫獄積年所抱力辯其寃得釋以勞疾卒於官後  
祀鄉賢

常自立鄭柴里人容貌奇偉善飲酒氣槩不凡由歲  
貢任交城訓導循循善誘多所啟迪一時遊其門  
者咸得成就教子有義方致仕歸兩舉鄉飲正賓  
季子伸善古文康熙庚午舉人任沙河知縣甫到  
任值大兵過境伸先請大營得令箭節制以布作  
馬槽五百其制簡而有法軍民利之以勞卒官



張礪字介石號中峰宋莊里人順治庚子舉人任蘭谿令性仁慈多惠政兩次分校得士十八人皆浙水名宿後將行取礪知止足以疾辭歸士民攀畱不得咸作詩歌以紀德政名曰甘棠思永集王積業通明坊人爲人豪俠好義嘗拾途中遺金訪還本主里中稱之時三間里人郭恩賜亦拾銀五十餘金還人邑令吳俱給匾旌之同時王淵祁國英亦以還金稱義

李穎達睢村人少穎悟讀書能數行下恪遵父教舉動不苟比長益力學有文名中康熙己酉舉人任鎮原令鎮原地處邊郡俗悍民刁命盜案極多穎達多方整頓案牘漸少又爲之編里甲平徭役鎮原人感之爲建坊立碑以誌其德穎達長於文鄉墨爲海內傳誦所著有侶鶴亭藏稿時其族李瑄篤學勵行由丁卯舉人官應州學正亦摻尙廉介勤於造士云

楊呈芳庠生性孝友立品端方尤好施與歲饑煮粥以贍窮餓又設義館令貧乏之子就讀其中多所

成就

譚田明字見甫登仕子年十二卽爲諸生有名於時  
讀書能會其要學富才贍詩古文詞無不擅長舊  
志纂修多田明手筆性耿介不樂仕進邑令楊敬  
其爲人敦請再四不至後以貢生終所著有隅蟄  
草入學鈔存八止亭記字韻補重等書行世子璿  
衡庠生亦能文爲人謹愿嘗於永樂村南卜葬其  
親鄉人以有礙風水告璿衡卽移葬於村西之祖  
塋人咸服其長厚

柴之棕北續里人爲邑諸生性仁厚樂施濟歲有荒  
歉則出貲粟以賑貧乏曾不少吝莊有高復台者  
少孤有志向學之棕助之資令讀書得成名後復  
台早夭存問其子嘗於荒年過洛下見有鬻妻者  
之棕出金完其夫婦生平好義行善大率類是子  
帝蔭職監生克繼父志賑荒貸乏施德於鄉捐金  
開絳翼接壤山路以便車行建續魯峪橋四十餘  
處夏拆冬修歲以爲常行旅賴之又修曲沃交裏  
橋一時名公當事咸有題贈里人感其父子爲立

碑記事載通志時又有馮范里人高鸞亦好義疎財創建續魯石橋捐田爲義塚又出粟百石以賑荒邑令陳旌其門曰倡義善士

任珩字搢九通明坊人由庠生入監授州同職事繼母以孝聞康熙三十一年歲大饑珩出粟煮粥全活無算平居周急濟困著有義聲

范繼純事繼母孝父母歿廬墓三載子章亦至孝母病革水漿不入口哀毀以卒與母同葬

陳禔媯陳村里廩生事母孝平日急公好義順治初寇盜未靖爲鄉人患禔媯調練鄉兵以備不虞盜悉遁去同莊子弟有游惰者必教責之又勸止村中演劇以省靡費歲饑煮粥施米以賑貧乏睦婣任郵善舉爲多子生員雷交出爲弟後亦好施不吝教其二子力行善事

白玉梁畱孟里人家貧力田以供甘旨兄玉璽出外營生久不歸母病命之尋兄玉梁至南陽與其兄歸早間山行遇盜玉梁素有膂力欲與鬪恐傷兄乃被劫行李而去行半里雷電交作電光中忽見

一虎兄弟共相祝曰寧噬我玉梁以身庇兄少頃  
有執鞭者成羣而來虎卽去得以無害歸至家母  
病危篤醫藥罔效玉梁割股以進病遂愈玉梁未  
嘗學問孝友之行本於性生嘗購  
上諭十六條註釋見其易曉每向閭巷中言之將  
卒前一日預知如期果驗後史村里人王自忻亦  
以割股聞

王大任東廂坊人儀表魁偉勵志好學緣屢躋文場  
改習騎射康熙丙午鄉試中武舉以親老不求仕  
進親歿哀毀骨立撫五歲幼弟自髻齒及成人恩  
勤備至終身不分爨周急好施荒歲煮粥活人不  
少吝惜性耿介雖居城市無事不造公門以故當  
事咸重之年逾八十以壽終

王錫東廂坊人家貧孝友父聘士授沙泉同心二驛  
驛丞錫徒步從之未半載聘士歿錫典衣裝以殮  
復號泣歸里盡產以迎襯時沍寒同心守備蕭請  
俟春且代乞賻卹錫力辭卽日就道晝則繩繫柩  
躬自挽夜則露宿柩側而號抵家墜指裂頸無復

人形見者胥酸鼻母喬氏卧病一載侍奉尤力比  
歿耐父墓慟幾絕從弟瑛臻幼孤不能自活錫字  
之俾胥有室邑令盧將表之以勵俗固辭雍正八  
年旌表八忠孝祠仲子體中亦以孝友著

陳佐周陳村里人年十五父所性卒哀毀甚非杖不  
起所性係選貢五經諸史胥有論著佐周見父手  
澤輒涕泣不止事母李氏不命之退不敢退母或  
譴責必跪受湯藥必親嘗嘗徒步百里延醫遇盜  
將殺之忽虎出叢簿間盜駭遁虎亦逡巡去母歿  
寢柩次三年不入室嘗建家廟刻族譜人胥謂克  
守家學雍正八年旌入忠孝祠

馬化祥字虹宇史村里人好善樂施嘗客高平時有  
爲虎所斃者屍骸暴露母妻無依化祥出金殮葬  
之且卹其家孫紹融邑廩生性穎悟少卽知名善  
詩詞工書法惜以天卒從弟宗援太學生亦工書  
法善篆隸

史宗逸仇張里人以增廣貢爲人慷慨明於大義樂  
施與康熙辛未年蝗蝻爲害民餓饉宗逸出粟以

濟鄉里計口授食本莊人多所全活並將各村暨  
垣曲地內租銀概免之處里黨和藹可親遇事必  
爲之分解以故三十餘年鄉隣未嘗有爭鬪事  
曹際烈尊王里監生性友愛撫五歲孤弟成立眠食  
與共教養備至康熙五十九年歲大荒際烈出糶  
糧三百餘石以贍鄉里又於倉封寺煮粥賑饑時  
戚友稱貸八百餘金際烈悉舉券焚之未嘗掛齒  
頰焉

任儉通明坊人由吏任清河典史操尚廉潔不爲苟  
取有善政清河人愛之爲作德政歌再任諸暨亦  
得民心儉雖由刀筆然性仁厚好行善事置義田  
建家廟他如資婚助葬義舉不少嘗念城關考試  
者衆其中貧富不一因捐置資本令官舖交代凡  
城關人試卷槩不給價勒碑以垂永遠至今猶被  
其利云

賈師聖字仰止史村里人武生家素封樂於施濟有  
公事必勇往無少推諉康熙辛丑壬寅間連遭大  
荒民不聊生師聖出粟煮粥以救窮餓又嘗於南

陽捐地一頃爲會館公費鄉人感之爲立碑記後以子凝吉官贈中憲大夫

賈由聖史村里人由監生授州同職事繼母孝待幼弟克敦友愛善治生以勤儉起家然能好禮鄉里有急難必爲周助無少吝康熙辛丑壬寅歲大荒由聖出粟煮粥嘗捐義倉穀二百石邑令詳請題叙生平善事如建義學施藥餌等事尤著後舉鄉飲疊膺

綸誥族人庠生永揚亦出粟賑荒爲善於鄉里人皆稱之

范加玉晉南里人居家孝友好行善事有隣人張耀久出不歸其母與弟欲嫁其妻其妻泣將自盡加玉聞之卽以已衣質銀假作耀書送至其家云耀在某處後年餘耀果歸夫婦由是完聚弟加榮辛苦力作撫其姪讀書成名恩義兼至

郭百仞字鳳崗紫家里人恩貢生事父母以孝聞父病黃疸醫家謂宜忌鹽百仞不忍獨令父淡食己亦不食鹽一年母患瘡百仞以口吮其濃血遂得

愈生平好學不倦讀書必求其要旨尤喜引掖後進家雖貧然樂施予稷人張堯母子客死其莊百仞嘗殯葬之

賈從聖史村里人性好義勇於爲善康熙六十年歲大祲煮粥賑饑兼給粟銀又嘗焚券人咸感之子凝禔貢生精岐黃術尤喜利濟凡就醫者旣不索謝復予以藥嘗慨然曰人不爲良相當爲良醫其自負如此已卯歲大饑絳尤甚凝禔於族里之貧者按口給銀所費不下數百金河東觀察以睦嫻任卹旌其門

賈連葉史村里人自少苦志讀書爲諸生有名屢躋塲屋乃援例入貢授州司馬職嗣母王矢志守節連葉侍養能得其歡爲請旌建坊以遂顯揚之志居家敦雍睦撫孤姪教養備至慷慨好施出粟散金澤及隣里嘗捐義倉穀五百餘石以備荒歉邑令舒褒之事載碑記

靳至人永梅里附貢讀書能得大旨砥行立名勇於爲義鄉黨中有事必爲之分釋施金疏渠爲闔村



利捐義穀賑饑民所費粟以百計絕無所靳河東道嘗給匾以旌其行

曹鶴徵遇異人授鍼法沉疴宿疾應鍼而起四方至者戶外屢常滿年九十有八歲精神彌旺通志載藝術門

鄉飲賓附

正賓

吉鳴謙

習義坊人夏津縣知縣

陳馨媽

陳村里人州同職

任仲只

通明坊人恩貢生

侯嘉允

仇張里人五台縣訓導

尉登陞

長干里人壽陽縣訓導

郝模

任村里人州同職

賈永待

史村里人州同職

王淑身

東廂坊人歲貢生

侯德彰

仇張里人懷仁縣訓導

王闢疆

東廂坊人例貢

任九冲

通明坊人州同職

王禮

通明坊人歲貢生

張文煒

仇張里人例貢

賈從聖

史村里人州同職

賈化聖

史村里人興縣教諭

王暢

畱孟里人猗氏縣訓導

張文炳

更名二戶人天鎮縣訓導

賈由聖

史村里人州同職

李世香

王賜响

介賓

柴毓靈

陳村里人生員

尉正華

長干里人生員

陳璧經 北柳里 人生員

任光宿 通明坊 人生員

王贊 東廂坊 人生員

盧奎觀 長三里 人生員

任燧 通明坊 人生員

王靈 東廂坊 人生員

賈承聖 史村里 人生員

范錦 史村里 人生員

賈景聖 史村里 人生員

柴本達 范璧里 人生員

撤大用 喬也里 人生員

陳端倫 陳村里 人生員

馬司教 畱孟里 人生員

李孔武 北柳里 人生員

譚璿衡 馮范里 人生員

靳衷實 青凌里 人生員

原丕湯 范璧里 人生員

陳雷輔 陳村里 人生員

馬伯寵 畱孟里 人生員

范錦 史村里 人生員

郭寓林

賈惟幹 史村里 人生員

續帝治

徐自超 陳村里 人生員

陳秉公 陳村里 人生員

劉名世 柏封里 人生員

李折桂 北柳里 人生員

范爾琮 史村里 人生員

王台衡 東廂坊 人生員

陳秉鑑 陳村里 人生員

翟璩 任村里 人生員

胡莊 習義坊 人生員

耆賓

續進忠 通明坊 人生員

朱佩 習義坊 人生員

喬汝棟 坊習義人

續 繹 坊通明人

任大和 坊通明人

張守庫 坊習義人

任維宸 坊通明人

任維巖 坊通明人

喬益 坊陳村人

續元化 坊通明人

喬國器 坊習義人

喬廷樞 坊習義人

曹鶴徵 坊尊王人

高如海 坊永枚人

馬機 坊雷孟人

王正華 坊青凌人

王錫極 坊東廂人

喬從訓 坊習義人

喬從教 坊習義人

王起鼎 坊青凌人

靳已 坊永枚人

李效 坊犯村人

李敏 坊犯村人

尉登壇 坊長三人

賈集鳳 坊史村人

撒世隆 坊史村人

胡希敬 坊陳村人

白受贈 坊雷孟人

王承業 坊東廂人

徐宏謨 坊陳村人

王宗士 坊東廂人

王律時 坊東廂人

喬嶽 坊習義人

郝林秀 坊任村人

翟洪福 坊任村人

王珩 坊東廂人

王式中 坊東廂人

樊葳 坊尊王人

史嘉芳 仇張里人

尉安華 長三里人

喬鳳樓 習義坊人

柴楷 范璧里人

撤士龍 史村里人

柴含珠 范璧里人

喬皓 習義坊人

張宏化 永枚里人

王鎔 永枚里人

沈廷梅 通明坊人

張國明 永枚里人

王則湯 青凌里人

賈玠 柏封里人

賈瑞 史村里人

賈瑋 史村里人

撤矩 喬也里人

王纘周 東廂坊人

張煜 習義坊人

柴昌祚 范璧里人

柴盤祚 范璧里人

郭天奇 冷口里人

樊偉文 宋莊里人

王毓昌 習義里人

撤承湯 喬也里人

姚紹頊

賈連環 史村里人

賈瑜 史村里人

史永寧 賀大里人

賈馨芳

王枚

董帝修

譚繪

賈琮

賈炳

徐士哲 陳村里人

康命 馮范里人

姚之瑾 晉南里人

康 莊 馮范里人

柴通霄 范璧里人

吉大來 青凌里人

翟洪發 任村里人

郭雄發 青凌里人

喬杠成 任村里人

王睢變 東廂坊人

李 岱 喬也里人

李 忍 喬也里人

李位閣 宋莊里人

王欽伊 晉南里人

撤大體 喬也里人

王立統 北續里人

喬天成 任村里人

續贊猷 馮范里人

撤大威 喬也里人

李清凡 北柳里人

劉世爵 柏封里人

宋 桐 長三里人

劉依中 柏封里人

徐宏起 陳村里人

王德隆 史村里人

楊楚周 任村里人

馬再融 史村里人

樊世積 宋莊里人

楊芳梅 賀大里人

李五行 北柳里人

王聚民 范璧里人

張 爍 習義坊人

白永元 宋莊里人

馬錫庶 史村里人

李自挺 長三里人

絳縣志卷之十

列女上

元

秦氏長千里丁堅妻堅歿時氏年二十二孝事舅姑  
撫二歲子成人守節不渝至正十一年旌閭

明

王氏郇王里鄭奉先妻孝事舅姑姑病篤焚香祝天  
割股作羹姑食之隨愈事聞大吏給匾旌之歲給  
布穀

王氏陳村里陳銘妻年二十三夫亡撫二幼子昭及彪俱成人成化五年旌表建坊邑東街

任氏董封里生員劉應期妻夫亡氏年二十一無子舅姑俱早歿氏哀痛不欲生數夜縊幾死祖姑張氏多方勸解乃已撫姪學書爲嗣養祖姑四十餘年不怠后學書入學成名萬曆時建坊旌表

楊氏范璧里柴禮妻

宋氏宋莊里張師孔妻

趙氏習義坊喬廷高妻

裴氏范璧里生員原廷岳妻

曾氏仇張里李繼曾妻

馬氏習義坊喬應召妻

馬氏青凌里靳東岳妻

范氏史村里賈天助妻

閻氏賀陳里進士張夢鯉妻奉詔建坊旌表

柴氏南續里生員黃文選妻年二十二矢志守節始終不渝崇禎九年旌表

劉氏廩生譚進德妻夫故旬日不食死學使吳旌其

門

焦氏范璧里甘泉知縣郭永固妻從夫殉難事詳永固傳

馬氏賀陳里張荊璞妻流賊破堡氏懼爲賊污墜城幾死賊迫之罵不絕口遂被害子養心以孝行著見人物

劉氏任村里靳毓奇妻崇禎五年流賊破堡氏恐玷辱携女投井死邑令黃詳請旌表並輓以詩有茫茫千騎紅顏改烈烈雙清玉女隨之句

譚氏下柏里王承廕妻崇禎五年避寇柴家山賊至氏恐爲所辱携其女永樂里劉永祚妻同墜深崖而死

王氏下柏里李時元妻崇禎五年流賊犯境逃入東山氏見夫爲賊所傷號哭罵賊不已遂被害後其子生員邦輔妻邵氏於順治十一年間賊夜突至擄氏逼之去氏曰我知有死肯隨賊耶賊怒甚揪其髮髮盡罵不絕口賊遂殺之及殯兩目不瞑時人咸驚異焉



高氏三間里盧養蒙妻崇禎五年九月間羣盜蜂起  
闔邑逃竄氏携女避難至翼邑南路見一孩棄地  
氏視之卽其兄子高榜也問其父安在人云已被  
賊殺氏流涕負姪而行行里許力不能兩全因念  
高氏祗此一孤若棄之便絕嗣遂棄其女而携其  
姪賊退高氏與姪歸而其兄實未死已在途中遇  
高氏之女負之歸矣鄉里異之後其子奎觀入泮  
國朝

郭氏范必里王一字妻姑病卧床五載氏朝夕視湯  
藥無少懈夫弟維宇早夭遺一幼女氏撫養成入  
無異己女人尤以爲難云

裴氏東廂坊王允妻年十七喪夫無子家貧以紡織  
爲生事病姑色養弗衰貞節自守乾隆二十五年  
旌表建坊東關

李氏習義坊吉維新妻夫故氏年二十二子登雲尙  
幼氏守貞訓子勤苦耕讀後孫鳴謙登順治甲午  
賢書家聲由此丕振

徐氏習義坊生員王之楨妻夫故無子撫姪允升爲

嗣年甫三歲氏多方鞠育及成立教之詩書後得  
列名黌宮

董氏平海衛經歷原世儒妻世儒死官殉難事詳世  
儒傳氏年二十七子始達方七月氏撫之成立娶  
妻高氏年二十八始達又卒高氏同始董撫子以  
終見通志

曲氏習義坊張雲霄妻夫故氏年甫十九有遺孕苦  
守不嫁孝事其姑後生子恩元成立

喬氏范璧里王三家妻訓子廷翰人泮

陳氏東廂里王用極妻年十六守節勤織紡事姑撫  
幼

朱氏習義坊張鵠妻撫幼事姑訓子成名

馬氏留孟里王大良妻冰霜自矢撫孤成人

郭氏長干里長干村尉思定妻事舅姑甚孝年二十  
九夫歿無子哀毀幾絕殯葬如禮有勸之嫁者氏  
正色叱之以死誓撫姪相皇爲嗣皇甫週歲氏鞠  
育成立後考授經歷氏猶躬親織紉勤苦自勵雖  
家頗豐足未嘗安逸郡邑咸稱之

王氏永梅里永樂村典史劉基壽妻性至孝奉事翁姑必誠必敬夫病時藥餌親嘗夜不遑寢及夫故氏年二十七殯葬如禮每食必薦孀居三十餘年撫子玉赤成立孫入泮郡守縣令俱旌表其門

尉氏青凌里磨裡村王啟祚妻夫故氏年二十二兩子瑄玫俱幼氏撫子成立屢遭兵荒矢志不改後瑄長急公好義鄉里稱之皆氏之教也啟祚兄啟允妻任氏允病氏默禱願以身代及故哀泣幾不欲生有勸之嫁者氏以死誓無子撫孤姪玫爲嗣妯娌守節鄉人稱之府縣俱旌其門

李氏通明坊生員任周統妻夫歿時氏年二十五無子撫姪璫以繼歷五十餘年卒教璫入泮邑令旌之

張氏通明坊王安世妻夫故氏年二十七三子俱幼氏堅貞自守四十餘年事姑劉氏甚孝雖值饑饉未嘗缺養撫三子俱成立長子勤民入泮

王氏留孟里生員馬斯臧妻年十九孀居孝事舅姑撫子致遠入泮守節五十一年以壽終邑令旌其

門

郭氏畱孟里生員郭面滌妻夫故時氏年二十一遺孤尙在襁褓氏堅貞自勵鞠育備至訓其子友植讀書人泮

郭氏賀大里史國瑾繼妻年十四適國瑾撫前妻之子鏡如已出及鏡娶妻馬氏生子未週歲鏡卽物故國瑾亦相繼而歿時郭氏年二十七馬氏年二十三姑媳矢志守節撫遺孫得成立後旌表建坊邑東街

張氏通明坊廩生任緯焜妻夫歿時舅姑尙在三子九式九韶九叙皆幼氏上事二親下撫三子備歷艱辛後九式入泮餘皆成立

王氏習義坊賈培代妻夫故時氏年二十二有遺孕生子紹孔氏飲冰茹蘖訓子入泮賈氏宗祀得以不絕縣尹盧旌表其門曰柏舟貞搯

樊氏畱孟里生員張奇勲妻夫亡時氏年二十五事其姑養生送死克盡婦道撫幼子嚴慈兼盡年八十而終當事以匾旌之

裴氏陳村里徐三讓妻夫歿時氏年二十四窮約自  
甘織紡度日撫八歲子成立年八十三而終縣尹  
汪旌以節壽俱高

王氏紫家里裴應締妻夫故時氏年二十八三子延  
梧延標延柱俱幼氏貞操自守艱苦備嘗事舅姑  
克盡婦道縣尹汪以三遷合教旌之

曹氏史村里賈可揚妻夫亡時氏年二十六姑在堂  
子尚幼家貧氏日夜紡績以養其姑撫其子成立

李氏范村里王尊妻夫故時氏年二十五子萬世萬  
年俱幼氏乳養孺子立志不渝教子成立縣令旌  
表其門

王氏喬也里撤五常妻夫亡時氏年十九遺子大號  
甫二歲公姑憐其年幼勸之嫁氏以死誓教其子  
入泮

樊氏通明坊焦玉甸妻夫亡時舅姑俱垂老子甫二  
歲氏仰事俯育一身兼任舅姑俱壽考子亦成立  
楊氏史村里石壯猷妻夫亡時氏年二十五子週歲  
誓志守節撫子獻章入泮

郭氏青凌里王育才妻夫亡時氏年二十五無子撫  
姪王鶴爲嗣後考授經歷太守劉旌其門

常氏陳村里陳運洽妻氏年二十餘喪夫時方懷娠  
數月泣謂親族曰舅姑年老吾爲冢媳若他適則  
雙親誰養願以死誓三月後生男捷氏晝夜紡績  
以供老親撫其子成立

王氏范必里王隆祚妻夫亡時氏年二十六子復命  
甫九歲氏守節訓子名列黌序

韓氏范璧里武生柴國楨妻夫亡時氏年二十子琳  
方週歲氏苦節自誓備歷艱辛孝事舅姑教子琳  
身列黌序年七十七以壽終教諭張侗爲作傳府  
縣旌表其門

李氏北柳里王承弼妻夫亡時氏年二十九無子以  
侄置爲子鞠育成長爲娶妻范氏置年十八死亦  
無子范氏年甫十五撫從姪知化爲嗣知化娶妻  
亦范氏年二十二知化又死范氏復撫兩幼姪以  
繼宗祧三世守節孤苦相依孝慈各盡至今鄉人  
稱爲王門三節云

王氏尊王里樊君養妻夫亡時氏年二十四子方兩歲氏立志守節日勤紡績以事繼姑李李病癱飲食湯藥無所出氏售嫁時釵珥以供之及李故殯葬如禮教子穎悟讀書後登己卯歲薦

高氏晉南里張應秋妻夫故時氏年二十九遺子三俊尙幼值明季喪亂飢饉荐臻氏伶仃自守備嘗艱苦不渝其志

趙氏晉南里張修已妻年二十夫爲流寇所害氏日勤紡績育其二子其秀其緒成人

康氏馮村里生員譚如綽妻夫亡時氏年二十一無子撫三歲侄賡以繼嗣紡績所入以佐修脯資賡讀書後入膠庠

石氏柏封里譚應官妻夫亡時氏年二十子守緘尙幼撫養成人入泮守緘亦早世其妻劉氏年十九與其姑同守節撫養其子經世翊世入黌序

秦氏范璧里柴國祥妻夫亡時氏年二十二誓不再醮守節四十九年撫子梗成人

王氏范璧里柴則文妻夫亡時氏年二十七子景實

尚  
在襁褓氏教養入泮守節三十餘年縣尹盧旌  
其門

劉氏范璧里王正寰妻寰死氏年甫二十苦節自勵  
撫正寰前妻之子彥泰與已子薦賢無異均得成  
人

李氏陳村里生員陳良相妻夫亡時氏年二十五事  
繼姑以孝著子亦早夭遺二孫經國開國氏爲延  
師課讀親見其入泮壽百有二歲府縣俱旌其門  
王氏永梅里劉珩妻夫故時氏年二十五子相陽輔

陽俱幼四壁蕭然織紡度日事姑教子各盡其道  
康氏永梅里劉師良妻夫亡時氏年二十三二子泌  
選尚幼氏潔清自守代夫孝事其舅撫子成立

王氏紫家里生員郭隆汾妻夫亡時子婦皆早世遺  
孫琦未週歲氏撫養成名辛苦備歷縣尹陳旌其  
門

王氏雷孟里馬伯選妻夫亡時氏年二十五誓不再  
醮撫子司伐入泮

王氏喬也里李備妻夫亡時氏年二十六二子元華



重華俱幼氏無依賴苦節自守撫養二子成人家業饒裕

陳氏范璧里儒士王徵妻夫卒氏年二十三子惠甫一歲氏善事舅姑教子成立爲絳庠名宿媳郭氏亦以孝稱邑令曹詳請旌表

王氏通明坊閻世芳妻夫故時氏年二十餘子炯尙幼氏孝事繼姑慈撫幼子後炯得成立考授經歷家業漸昌前令盧薛俱給匾旌表

靳氏史村里王延長妻夫故時氏年二十子之敬方數月有勸以嫁者氏引刀自誓代其夫孝事公姑撫孤子入泮卒年六十一歲縣尹旌表其門

鄧氏史村里王開祥妻夫出外身亡氏年甫十八上有祖姑下無子女撫嗣子以承夫嗣年至七旬終焦氏史村里三甲裴衡妻

任氏史村里靈山衛經歷賈三樂妻夫亡氏茹蘖飲水撫二孤子成立長子卓然弱冠遊泮卽物故妻王氏甫二十五與姑任氏守節撫二子翌聖考授經歷承聖補邑庠生後任氏年至七十三王氏年

至六十三府縣旌表其門

石氏史村里賈接妻夫亡氏年二十遺子甫一歲氏紡績爲生事舅姑甚孝撫幼子得成立焉

李氏史村里賈紹文妻夫亡氏年二十九子尙幼氏欲以身死殉因念身死幼子無人鞠育勉進飲食紡績不輟撫其子瑯成立補邑庠生

王氏史村里賈永萃妻夫亡時氏年十八子僅歲餘又與繼姑另爨母子伶仃紡績度日誓不再嫁

李氏東廂坊王璉妻夫故氏年二十敬事舅姑誓不再嫁府縣聞之俱給匾旌表

荆氏賀大里史國瓚妻夫故時氏年十九堅志守節撫孤成人府縣給匾旌表

王氏仇張里史秉智妻夫故時氏年二十舅姑俱年老氏以媳代子孝養無間撫育幼孤恩勤備至縣尹盧詳入郡志

孫氏東廂里王吉士妻夫亡時氏年二十三誓不再醮撫幼孤成立府縣俱給匾旌獎

原氏習義里張燕妻夫亡時氏年二十五誓不再嫁

撫孤子歷盡艱辛府縣俱旌之

裴氏紫家里王者興妻夫亡氏年二十八夫死長武臨終時手札囑氏撫其子氏遵夫遺命撫其子成立焉

宰氏仇張里董璽妻夫亡氏年十九長子甫兩歲次子懷娠未生舅姑俱年老氏一身獨任其責不辭勞瘁縣令給匾旌之

李氏冷口里張三品妻夫亡氏年十九遺子養標未週歲堅志守節孝事公姑撫幼子成立邑人稱之  
王氏習義坊生員喬鳳閣妻夫亡氏年二十七氏方懷娠對其夫以死誓後月餘果生子挺遂撫孤教以詩書郡邑俱旌表其門

張氏習義里朱天英妻夫亡氏年二十八日事紡績撫育幼孤家業漸昌皆其勤儉所致云

史氏仇張里董明修妻夫故氏年二十三子五品尙在襁褓冰霜自矢勤苦撫孤

李氏范壁里王宗義妻氏年幼撫孤守節四十餘年  
王氏史村里賈璘沾妻夫亡氏年二十六撫幼事姑

冰蘖自甘守節以終

李氏習義坊喬明政妻夫亡時親老子幼氏冰霜自  
矢孝慈兼盡

喬氏冷口里郭內篤妻夫亡時氏年二十一守節自  
誓歷盡艱苦

郭氏習義坊崔倫興妻夫亡時氏年二十子幼家貧  
氏甘之如飴撫孤守節卒無改志

史氏通明坊閻世膏妻年二十夫故子幼撫養無藉  
氏冰霜自矢撫其子成人

王氏柏封里劉金鉉妻夫亡氏年二十方懷娠未生  
後生子預成氏撫之長成

樊氏習義坊吉旋妻夫歿氏年二十六親老子幼氏  
一身獨肩其任辛苦備嘗宗族稱之

衛氏紫家里任景慧妻夫亡氏年二十三姑老子幼  
氏孝養克盡撫二子紀純成立郡縣俱旌其門

王氏仇張里生員史秉鈞妻夫亡時年二十七無子  
撫姪爲子守其節以終焉

吉氏史村里石含玘妻順治初東山餘寇未殄肆行

擄掠夜至本莊氏與其家五六人潛身屋上爲賊所見喝問屋上幾人氏自度不免恐貽衆害答以僅我一人遂倒墜而下罵賊不絕口賊斷其喉而死餘皆免縣尹賀旌其門

賈氏范璧里柴作楫妻楫商遊於外氏艱苦百嘗孝敬舅姑宗黨稱賢後夫歿子幼卒教其子芄入泮王氏習義坊候選縣丞喬璞妻夫病危囑其妻曰汝年幼無子我死汝必嫁氏以死誓及璞卒擇姪則簡承繼營治喪具事畢於葬前三日縊於夫之柩前而死時年二十七

孫氏畱孟里生員白玉書妻夫亡氏年十八生子卓德未離襁褓書病氏焚香告天願以身代及夫故終日哭泣旬日亦卒

李氏史村里賈芳芷妻年十七歸芳芷未三月夫死誓以身殉家人防之少懈氏入室縊死柩前邑令盧表其門

李氏史村里裴恒祚妻夫故氏誓不獨生自縊柩前邑令盧旌其門

鄭氏東廂坊王洪烈妻年二十九夫亡無子撫姪屏翰以繼夫祀屏翰方週歲多方撫育始得成立守節四十餘載以壽終

郭氏畱孟里李時總妻克盡婦道閱數年艱於誕育勸夫娶妾夫不從氏密訪喬姓賢女爲妾生三子趙氏焦三娃妻三娃偕王金鎖司更舖舍金鎖窺氏獨處夜半詭言寒甚返向火徑趨氏室叩其門氏以三娃歸啟門納之金鎖強持什炕氏奮力格拒幼子被壓死金鎖怒掣炕頭鐵器擊殺之棄屍於

北巷復返舖舍卧黎明三娃歸門大開子死妻不見血污滿地尋得屍所在莫知殺氏者後見金鎖衣漬血因究得之康熙六十年奏聞論如律氏詔

旌

事載通志

邵氏鄭柴里趙國盛妻年登百有二歲雍正二年建坊旌表

陳氏宋莊里生員趙京翰妻年二十四翰歿氏孝事病姑恩撫弱息誓死守貞艱苦萬狀歷三十八年卒崇祀節孝祠

王氏晉南里張其緒妻事舅姑能盡孝年二十七夫死遺三子俱幼氏鞠育成立後年至九十餘康熙六十年詔賜帛

李氏北續里生員范緝芳妻于歸三月甫懷娠而緝芳死氏屢欲以身殉舅姑勸慰乃止後生子撫之成立邑令盧旌之

常氏永梅里譚倫妻年二十三夫死姑老二子幼穉氏事姑撫幼孝慈兼盡守節五十餘載終邑令盧給匾旌之媳李氏卽次子國祥妻年二十七國祥

故無子撫姪以守姪死又以姪孫繼亦始終不改  
搽

陳氏永梅里楊起標妻年十九夫爲流賊所殺子女俱無舅姑年邁氏矢志守節奉事舅姑鄉黨稱孝任氏宋莊里張隆妻年三十隆故氏上事老姑下撫幼子備歷艱辛年六十歿

鄭氏史村里石國瞻妻年二十四夫客死親老子幼氏紡績度日仰事俯育艱苦備嘗邑令舒給匾獎之

賈氏史村里生員范又淹妻年二十五孝事老姑恩撫猶子歿年五十六建坊旌表崇祀節孝祠

鄭氏史村里賈希聖妻年二十九歲聖故子女俱無氏矢志守節事病姑盡孝撫嗣子恩勤備至孀居四十年以壽終邑令李給匾旌其門

王氏史村里賈景芬妻夫故氏年二十五孝事病姑慈育幼子兼撫三歲堂姪無異已出歷五十五年邑令李匾旌焉

曹氏陳村里生員陳雷誼妻夫染疫疾卒氏年十九姑早世舅亦繼亡子秉楷甫週歲氏恩勤辛苦撫之成立得食餼於庠後子早卒媳病二孫俱幼氏於暮年親爲鞠育咸成長焉卒年七十三學使勵匾旌之

王氏長三里宋獲聰妻夫死年二十七姑垂老二子尚幼姑哭子悲傷氏佯爲婉容勸慰以解姑憂姑歿典質爲殯葬費飲冰茹蘖者四十餘年撫其子成立

郝氏永梅里王康宇妻孫氏王寧宇妻康宇寧宇先



後死郝年二十九二子俱幼孫年二十七無子姑老病二氏竭力以供甘旨妯娌和睦無間郝二子俱成立孫撫其季爲嗣俱以壽終

譚氏北續里高升妻夫歿時子焜尙幼姑老病氏侍奉曲盡其誠及焜長命讀書以組紉所出爲修脯資督責甚嚴守節四十年以節終後焜由選貢膺鄉薦得成名於時

王氏史村里賈永馨妻年二十八永馨故無子氏撫姪以守盡心教養不異己生後得成名矢志三十三年終乾隆二年旌表建坊奉祀節孝

康氏范壁里王渭陽妻年十九孀居無子取姪孫承夫後事姑以孝聞學使勵給匾旌之

王氏長三里張永泰妻年二十五喪夫舅姑衰老子方三歲氏事親盡孝撫子恩義兼盡守節四十年邑令蘓旌其門

王氏紫家里經歷郭龍騰妻夫死一子早夭氏撫姪爲嗣並擇從孫爲其子後守節五十餘年子若孫成立治家勤儉羸則以濟鄉里邑侯吳旌以匾

王氏柏封里孫光榮妻年二十八喪夫二子俱幼冲  
舅姑衰老氏生養死葬無不致力紡織爲二子授  
室完其節以終

韓氏柏封里生員劉日暉妻年二十七暉歿撫孤祔  
久成人娶媳原氏不幸子又早亡原氏年甫二十  
四無子女亦矢志守貞姑慈媳孝學使喀匾旌其  
雙節

賈氏長三里楊作楫妻年十七歸楫甫二載楫故子  
女俱無家貧舅姑垂老夫弟尚在弱齡氏孝事舅  
姑恩撫幼叔里黨咸稱美之

原氏賀大里張玉珽妻夫卒無子氏紡織爲生守節  
五十四年卒族人嘉之乃令其姪爲嗣

趙氏史村里賈之秀妻十七適賈二十三夫故家貧  
子甫三歲姑性嚴厲待之少恩氏善承姑意撫子  
成立姑亦感化和好歿時年七十歲

曹氏北柳里王仰妻年二十歲夫故撫遺腹子成立  
孝事兩世舅姑年七十四歿邑令王旌其門

周氏雷孟里郭九鼎妻苦守正節雍正九年公舉入

節孝祠

馬氏習義坊朱炳妻夫歿時舅老子幼慟哭幾絕後矢志守節嘗有偷兒夜入其家忽聽一人曰此賢孝人家何忍竊之因相引去

李氏史村里王從龍妻性激烈不可犯康熙六十年同一幼弟歸寧中途爲人調戲氏卽反馬歸告其夫羞忿莫釋投繯死

陳氏通明坊任鏜妻年二十九鏜死子女俱無家貧紡織度日守夫制將闕遂縊死邑令蘓給匾旌之

撤氏紫家里王掄升妻年十九夫亡無子貧不能自存親黨咸勸之嫁氏涕泣曰吾生與夫同室死當同穴豈可苟且一時失畢生之節乎自是莫敢復言數年後其祖以氏年少無子與其舅商改嫁之氏聞卽縊死邑令吳匾旌之

常氏范璧里王希安妻幼讀女箴能明禮義長適希安以賢淑稱年二十二夫死無所出氏哀號躡踊誓以身殉越三日縊於夫之柩前

王氏習義坊朱玢妻年二十六玢死無子姑老氏朝

夕侍奉不懈姑歿殯葬畢有族人欲逼之嫁以圖利氏聞哭拜於夫主前自縊死

閻氏習義坊王寅妻年十八夫故歿畢氏憑棺號泣聲聞里巷卽於是夜經棺前邑令李匾旌之

原氏范璧里王文麟妻年二十二文麟故姑老家貧父勸之嫁氏不歸寧者數年紡織養姑姑歿歿畢氏曰吾所以不死者以有姑也姑旣死矣吾何生焉乃縊死

王氏柏封里王立根妻年二十三立根病篤謂之曰我死汝必嫁氏嗚咽不能言夫死殯葬畢氏縊以殉焉

裴氏史村里王公收妻平居相夫子以順及公收死痛哭不欲生卽經於柩前邑令王匾旌其門

譚氏永梅里楊毓峻妻夫故子方六歲家貧難度氏矢志守貞事親撫孤歷四十餘年終

徐氏東廂坊王斯文妻年二十七夫歿事舅撫孤備極辛苦卒完其節以終

李氏陳村里胡紹安妻安故子殿元甫四月姑孫染

瘋疾氏事姑撫子孝慈兼盡五十三歲而終

趙氏史村里賈芹妻年十八孀居家貧無子宗族鮮承祀者氏守節至六十餘歲痛夫絕嗣因於屋壁砌一小碣鐫其夫三代名諱傍題孀婦趙氏奉祀歿年六十七歲

郭氏喬也里李縉妻年二十八縉故親老子幼氏矢志守節截髮以誓舅姑歿喪葬盡禮其子教養有成

郭氏北續里王摺妻年二十七摺故家甚貧擇族姪欽傳爲子紡織度日矢志靡他

常氏陳村里陳正己妻年二十九正己亡家貧繼姑待之寡恩氏承受意旨絕無怨心以紡織爲生男婚女嫁備極辛勤守節三十二年以終

吉氏任村里郝養崇妻家甚貧氏辛勤紡織藉以供始並撫孤姪年二十五喪夫遺一幼子氏撫之長成終完其節

陳氏習義坊廩生朱衮妻氏年二十五夫死家貧無子撫七歲族姪爲嗣長爲授室而死矢志五十餘

年卒以節終

趙氏仇張里侯德彪妻年十九夫亡無子取姪鳳儀  
爲嗣卒年五十五歲姪媳任氏侯鳳羽妻歸未週  
歲羽卽病故氏矢志守貞四十五年卒以姪生娃  
繼之

柴氏史村里生員王廷諫妻年二十四諫故舅姑衰  
老二子俱幼氏仰事俯育兩無遺憾後題請旌表  
李氏永梅里王兆瑚妻十七歲孀居子女無出事始  
孝撫姪慈擇孫承祀守節三十五年

賈氏北柳里李光斗妻年二十四夫故氏事病姑曲  
盡婦道年六十三以節終

梁氏馮范里康乃心妻十七于歸歲餘夫亡舅姑垂  
老夫弟尚幼家寒難以度日氏矢志靡他上事下  
育各盡其道學使宋給匾旌之

任氏習義坊喬挺妻挺母多病氏事姑終夜不寢飲  
食湯藥咄嗟立應人皆以爲孝年二十八挺死子  
幼氏撫之成人爲授室甫生孫大伸而媳死氏復  
鞠育成長後入泮邑令汪給匾獎焉

王氏畱孟里王晟妻晟死時氏年甫十九姑病癱子  
幼氏周旋湯藥飲食者二十餘年不懈子長教以  
讀書敦行歲荒命子出粟賑濟邑令學使先後旌  
其門

黃氏北續里縣丞柴帝蔭妻性賢淑明大義事舅姑  
盡孝夫亡撫前妻子不異己出與己子俱成立後  
又撫諸孫成人自二十八守節至七十一卒。

柴氏馮范里陳檀妻年二十餘夫故子女俱無撫姪  
爲嗣紡織自給備嘗艱辛守志四十餘年而歿

陝氏通明坊續禹典妻年十八禹典死有遺娠生子  
禹典赤貧鮮親族氏乃携其子依母守節數年母  
死別無倚賴乃僦屋紡織營生撫子成立後子婦  
皆早世又撫孫成人爲娶婦卒年八十有九  
李氏通明坊王錫旅妻旅病瘋氏防維周至毫無怨  
意及夫故子壯甫週歲氏撫之成立年六十五而  
終邑令徐給匾旌之

李氏通明坊任九式妻性勤儉教子有方妯娌和睦  
兩世未嘗分爨歿年六十二守志三十四年

李氏史村里賈時聖妻年二十一夫故越四月生子  
漢明時上有老姑下惟孤子家貧氏紡織爲生姑  
歿葬祭盡禮鄉黨稱之

崔氏賀大里姚萊妻萊外出有強暴者逼辱之氏不  
從自縊死邑令置強暴者於法並爲氏請旌焉

郭氏東廂坊王肯堂妻年二十七夫歿氏矢志守節  
事繼姑盡孝恩撫夫弟成人後取胞姪爲嗣孀居  
四十五年

郭氏仇張里史秉憲妻十六于歸生子未週歲夫死  
矢志撫子後子歿生有二孫氏又撫恤成人

趙氏東廂里王用中妻事舅姑以孝聞生三子撫養  
成立守節三十七年卒

曹氏尊王里李楫霞妻氏年二十七夫死無子舅姑  
俱老事舅姑如父母俱享耆壽終撫姪爲子恩勤  
備篤焉

徐氏陳村里喬君珂妻珂死時年甫十九家徒四壁  
舅老子幼氏篝燈夜織以布易粟一家賴以舉爨  
平居足不踰閩守節以終



王氏習義坊監生喬永芳妻孝子王錫女年二十永芳故氏懷孕五月生子餘慶多方鞠育教以讀書後得成名氏以冢媳代中饋孝事舅姑善處妯娌家無間言者三十餘年

撤氏東廂坊王紹先妻年二十紹先死無子氏紡織度日甘貧守節者四十一年將卒召族人泣曰我夫無立錫地倘族人有昭穆相當者爲夫承嗣則吾守節數十年死無恨矣族爲議服姪以繼先後高氏長三里張永昌妻年二十四永昌故無子舅姑

俱老氏以針指所出養二親二親先後歿氏經營喪葬人咸嘉之後撫姪爲子年七十六終史氏喬也里生員李錫旌妻于歸後祖姑張喪明繼姑裴病癱氏侍奉曲盡其道年二十五夫亡無子撫姪爲嗣辛勤教養得以成立治家有法家業由是饒裕守節三十年歿學使邵給匾旌焉

絳縣志卷之十一

列女下

國朝

蘇氏北續里范頡繼妻年二十八頡死姑老子幼氏於哀痛中經營喪葬咸有條理養生送死竭誠盡哀待前妻子恩勤尤篤與其子俱成立

郭氏畱孟里白玉石妻年二十七夫歿無子取幼姪含德爲嗣恩養成人又早故德生一子亦亡又擇堂姪孫瑄以繼歿年八十七歲

孫氏尊王里張偉儒妻年二十八夫故姑雙目失明子方二歲家赤貧氏手作事姑撫子艱辛備嘗里黨有女中丈夫之稱

趙氏犯村里王正傳妻事姑有孝行年二十七夫死遺一子甫五歲氏紡織爲生撫孤成立後子死乏嗣氏撫從姪孫以繼宗祧守節五十三年卒

靳氏永梅里楊克寬妻年十八于歸甫四月夫卽外出客死家負子女俱無氏撫姪爲嗣搬六柩歸葬守節四十五年

王氏吳村莊陳之蘭妻家貧夫歿氏年二十六欲以身殉親族勸乃免撫姪爲嗣教養盡道守節三十九年終

焦氏東廂坊王鉉妻年二十七夫故姑老子幼氏俯仰無依矢志守節姑病風寒氏奉侍無懈容乾隆三年冬夜地震姑懼氏終夜抱護得無恙後子恒榮得列黌序

董氏史村里賈全瑞妻年二十九夫故子甫週歲舅姑俱老氏仰事俯育舅姑歿經營喪葬心力俱憊

撫其子成立

柴氏史村里賈從政妻年十五歸于賈甫八月夫死  
四月後生一子氏多方撫之舅姑俱藉以養後其  
子早死又撫嗣孫以至成人

陳氏通明坊王進修妻年二十修歿氏孝事衰翁恩  
撫夫弟鄉里重之守節三十二年

任氏東廂坊王克忠妻夫病家貧氏紡織爲藥餌費  
朝夕侍奉惟謹夫歿守節四十五年撫其子成人

石氏史村里黃廷妻夫亡年二十九甘貧守節撫孤  
嘗汲水路拾遺金後失金者尋至村氏卽命其子  
送還鄉人皆敬之

李氏宋莊里張倌妻年二十五孀居家貧事舅姑孝  
取從姪爲嗣撫之成立七十四歲而歿

黃氏鄭柴里韓同瑞妻年二十一夫亡撫幼子開疆  
成立考授經歷邑令黃給匾曰筠節松操其姪韓  
甲趙妻任氏十九孀居無子擇堂姪俱爲嗣教養  
入泮學使夏匾旌之

李氏陳村里武生陳通繼妻事舅姑孝待前妻子慈

年二十二通死矢志不嫁撫其子以終

王氏陳村里徐宏瓚妻年二十九夫死無子夫弟宏珏尚幼氏撫之成長爲娶妻王氏珏亦早卒子幼妯娌相依守節學使喀俱旌以匾

支氏橫水里郭銓妻夫死無子撫姪爲嗣侍奉舅姑不衰鄉里咸稱節孝卒年六十五

王氏尊王里曹際煜妻年二十一際煜故舅與姑俱在子尚幼氏孝養不懈能得繼姑歡後舅姑相繼歿夫弟尚幼氏撫之與已子並得成立學使夏旌

之

閻氏史村里范爾威妻年二十四夫死孀居姑垂老子尚幼氏事姑撫子備極勤劬後子早世又撫其孫成立年七十三卒邑令王給匾旌其門

柴氏史村里監生賈睿聖妻幼讀內則列女諸書能明大義聖歿氏年二十二遺孤凝祚姑老病癱氏奉湯藥五載後子遊泮入貢皆氏之教也年七十六卒乾隆十六年春旌表建坊崇祀節孝

郭氏史村里監生賈明遠妻年二十八夫亡子世達

方數歲家業彫零氏紡織度日奉養孀姑訓子成立守節三十三年後建坊旌表崇祀節孝

康氏鄭柴里生員常在茲妻在茲歿氏年二十無子舅姑俱病飲食湯藥侍奉惟謹舅姑相繼歿經營喪葬備極勞瘁有夫弟尙在襁褓賴以成立後擇姪以嗣學使給匾旌之

劉氏尊王里曹無垠妻性貞靜夙嫻女箴年二十八無垠客死無子姑已老氏悉售田產迎柩歸葬悉以餘銀償無垠宿逋曰無令死者受人唾罵已食粗糲以供甘旨奉姑至八十餘能得其歡心撫從姪爲嗣後得成立

王氏喬也里李際唐妻夫故一子亦繼亡氏復爲其子擇嗣守節三十一年

王氏喬也里李茂棠妻家貧生三子俱幼夫故氏日夜紡織撫養三子成立守志四十九年終

王氏喬也里李子美妻年二十四夫故舅老家貧無子撫姪爲嗣愛之無異已出

王氏喬也里李講妻夫故事繼姑孝養兼盡撫姪爲

子守節三十一年而卒

李氏長三里吳筠妻年二十六筠客死京邸子幼姑老無依氏事姑撫子備極艱辛子長令扶柩歸葬後子亦早卒復以姪孫嗣之

鄭氏尊王里樊鵬翱妻年二十七夫故子方數月家貧紡織度日後舅患癱泄歷久不瘳氏供湯藥除穢惡經年弗懈守志四十一年而歿

郭氏畱孟里馬科妻申氏馬粹妻郭無子申有一子憇而不慧妯娌共守之矢志靡他

常氏柏封里王大慈妻歸後八年慈故家甚貧舅姑衰老子女俱無撫二歲姪爲嗣艱苦備歷

王氏長三里趙思忠妻年二十六夫歿無子氏孝事舅姑養生送死罔懈撫幼姪成立守節四十一年陳氏長三里龐秀妻年二十五夫故家甚貧遺二子俱幼撫養成人不幸二子亦早亡止畱一孫甫在襁褓氏復親鞠育之歿年八十有四

王氏賀大里史付興妻年二十二夫故越五月生子家赤貧氏日則採薪夜則紡績撫子婚娶子又早

亡孫始週歲子媳他適氏復撫孫成立守節四十三年而歿

李氏北柳里王德崇妻年二十八喪夫姑老家貧子良甫四歲氏撫之成立不幸良客死遺妻李氏年二十九子尙幼穉良母哭子失明良妻奉侍扶持暗賣粧奩以供朝夕境窮節苦聞者憫之

王氏冷口里張克讓妻生子七月夫歿舅墜棚傷股姑患癱卧床氏以媳代子奉養無缺不以貧而改節

徐氏陳村里陳秉鐸妻年十八歸秉鐸時鐸已抱沉痾氏侍湯藥無嫌怨意逾九月秉鐸死氏代夫事姑定省無不曲盡姑歿後夫兄始生一子命撫爲嗣氏以大宗不宜出繼辭不受雖爲鞠育仍以姪稱之後諸伯相繼舉數子始改稱子母乾隆十五年旌表建坊

范氏北柳里李經舉妻年二十一守節舅姑老無子氏紡績奉甘旨撫姪爲嗣學使喀旌其門

衛氏范璧里貢生王公績妻于歸後夫卽病年十八



夫亡無子撫姪以守不改其摻

姚氏長三里尉際泰妻年十九夫死無子氏事舅姑  
惟謹後撫姪掄元爲嗣教養備至得以成立

王氏東廂坊王恒泰妻事舅姑以孝聞夫歿守節三  
十年撫二幼子成立

張氏仇張里生員史尙寬妻性賢淑不苟言笑年二  
十三尙寬死越三日始生一子氏於哀痛中鞠育  
倍至事舅姑待幼叔無不盡敬三十餘年如一日

賈氏鄭柴里常繩武妻年二十八繩武歿事姑撫子  
孀居三十餘年教子有成人皆稱爲苦節

王氏史村里范燦妻夫歿家貧子幼矢志守節母欲  
奪其志氏以死誓不歸寧者數年撫其子成立

賈氏柏封里郭之緯妻之緯死子幼舅姑衰老別無  
伯叔氏紡織以供甘旨及舅歿經營喪葬竭盡心  
力平居治家勤儉教子有方人咸稱善

吳氏長干里鄧元亨妻元亨死氏年二十七子幼姑  
喪明氏出入扶持不敢暫離紡織糊口撫其子成  
立

鄧氏長千里丁輔堯妻事姑有孝行年二十八夫死  
飲冰茹蘖撫子有成學使喀給匾旌其節

曹氏范璧里柴從龍妻十七歸于龍事舅姑孝夫死  
無子氏以姪爲嗣愛養有加後子亦早亡氏撫孫  
成立學使劉旌以匾

常氏青凌里席岱妻于歸二年岱故遺一女氏紡績  
爲生節摻嚴厲乾隆二十四年歲歉散賑鍵戶忍  
餓寧死不願見官人服其節

張氏永梅里劉創基妻年二十夫亡無子舅姑年邁  
氏日摻井白夜勤紡織事生送死孝聞閭里

郭氏喬也里撤恭妻恭客死氏年二十六遺子學詩  
五歲教養得成立

周氏畱孟里馬繼援妻夫歿舅姑早世子女俱無撫  
姪爲子守志四十三年不改其節

鄭氏犯村里王選士妻夫歿家貧無子氏撫姪成人  
以完其節

樊氏東廂坊王美世妻年二十三夫故姑踰六旬子  
方七月所有薄田破屋質賣葬夫紡織事姑口授

其子讀書歷四十餘年鄉黨稱之

高氏犯村里衛文妻文故氏年二十二子永寧永定俱幼苦節撫養次媳王氏卽永定妻年二十五歲永定亡姑與夫嫂相繼歿子方二歲姪亦幼氏撫姪育子四十餘年姑媳稱爲雙美

郝氏范璧里原桐妻年二十四喪夫無子勤女工盡婦道取族姪爲嗣撫之成立

楊氏永梅里劉覲妻年二十覲出外身亡遺子僅二歲氏甘貧守志年七十三卒

郭氏永梅里劉樾妻年十九夫亡遺一子痿痺不能動移氏日採柴薪夜勤紡織屢遭凶年節摻愈堅歿年七十有五

王氏永梅里劉士美妻年二十五夫亡遺子始四歲氏清苦自勵矢志靡他學使喀匾旌其閭

陳氏永梅里劉法春妻年二十孀居子方二歲家赤貧紡織度日撫子成立子年二十三夫婦雙亡遺孫僅週歲氏仍撫養成人年八十九歲歿

張氏永梅里劉抒基妻年二十一基歿子方一歲氏

撫育恩勤子又夭亡氏茹蘖飲冰志不少變現年八十有二

劉氏賀大里任重妻年二十四夫故子女俱無衣食維艱氏矢志不變撫姪繩祖成立年七十八而歿李氏史村里裴元妻十七于歸越二載夫死舅老夫弟尙幼家甚貧氏勤於女紅事舅終天年撫夫弟成立守節五十四年邑令汪給匾旌之

柴氏東廂坊候選州同王協時妻夫故無子擇胞姪蒞疆爲嗣疆復早歿又撫孫阿衡成人入泮勵操

五十九年現年八十六歲學使蔣匾旌其門其曾姪孫媳徐氏卽氏曾姪孫王輅妻年十九輅亡亦無子女孝事舅姑備歷艱辛守志二十餘年而卒王氏北續里柴紹周繼妻待前室子無異已出夫病焚香禱天願以身代年二十八夫故守節四十餘年如一日焉

邵氏犯村里朱天佑妻夫故遺子浩甫十月舅年耄氏貧苦自甘事老育幼備歷艱辛守志五十四年而卒

宋氏尊王里鄭金鼎妻年二十二夫亡上無翁姑下無子女紡織爲生矢志不變守節四十四年

王氏長三里趙登殿妻家貧攢桶爲生年三十二而亡氏採薪汲水養老姑撫幼子守節三十一年壽六十歲

徐氏通明坊王國桐妻十六于歸桐已染病不數月而故氏孝事舅姑矢志守節父母憐其苦以季女妻其夫弟國棕欲其姊妹相依也不幸妹又早歿連娶二姊氏俱式好後國棕復早世遺二子俱在

旌  
旌祿氏撫育辛勤鄉里咸嘉重之

王氏史村里石漢文妻年二十歲喪夫子宗理甫四歲貧不能存依母家撫養成入爲之婚娶子又早世媳王氏年始二十孫亦止四歲姑媳矢志紡績爲生里黨稱之

原氏長三里鄧揚妻生子未週歲夫病慮其再醮氏指天自誓迨夫死子亦夭亡適姑生晚子缺乳氏代爲哺養舅姑咸嘉嘆之

石氏柏封里監生劉祚恒妻年二十一夫亡事病姑

罔懈子鵬南甫一歲撫之成立後得入泮學使景旌其門

閻氏東廂坊王洛妻年二十二喪夫遺孤方三歲家

赤貧依母家手作度日撫子成立

馬氏陳村里宋全山妻年二十五夫卒家貧舅老二

子俱幼氏紡織澣濯得資供菽水舅歿喪具無出

撫屍痛哭哀動隣里劇金助之後復銖積寸累悉

償前債人尤以為難守節三十餘年撫子成立

李氏賀大里楊學書妻將婚書得暴疾氏于歸未七

日而亡哀慟慘悽不進飲食旋落齒大半苦節三

十三年後題請旌表建坊

裴氏范必里佐皇妻年二十二夫故遺子景龍甫一

歲撫育成立苦志守節四十六年後題請旌表建

坊

王氏柏封里傅世景妻事姑以孝稱夫亡時長子甫

五歲次子始月餘氏撫之成立有孤姪父母俱早

世氏養之無異已子至今同居

胡氏犯村里王萬賜妻性端莊年二十八夫死姑老

子幼氏仰事俯育皆出十指長子禁其游惰得以

成立

張氏賀大里州同崔浣妻幼讀書明大義浣任全州司馬時舅姑因地有煙瘴不能同行氏畱家代夫奉養無缺及浣卒官年二十七聞訃遣人扶柩歸葬教養其子有成

王氏犯村里李作倫妻夫故時氏年二十六家貧舅老子幼氏以一身俯仰事育及舅病晨昏奉侍宛如子女後侍叔姑病亦如之聞者咸嘆其賢

閻氏橫水里李自牧妻年二十牧死遺一女氏痛夫乏嗣夫兄無出勸其舅再娶又勸夫兄娶妾以爲宗祀計後翁及兄俱生子人皆嘉氏之賢

陳氏永梅里譚起鳳妻年二十夫故他鄉姑年七旬子方三歲家貧紡織營生仰事俯育兩無遺憾

張氏冷口里郭內達妻幼讀書能明大義內達亡氏年二十四子集思甫二歲氏鞠育成成立及弱冠死無子以從孫文學爲嗣文學亦早夭氏又擇近支曾姪孫撫之守節垂五十年夫嗣不絕如綫卒賴氏以得綿云

王氏晉南里范際堯妻年二十八夫死姑因家貧逼之嫁屢以奴隸艱苦事役之冀其意動且斷其飲食氏堅志不移紡織自食兼食其姑後撫姪爲嗣

荆氏冷口里郭屏妻年十八守節其父憐其年幼勸之嫁氏矢志不移無子撫姪爲嗣

王氏柏封里劉肅度妻夫死無子氏年僅二十三有老姑氏孝養不衰連撫兩姪以繼宗祧

張氏東廂坊監生王家駒妻年十五適家駒以賢淑名舅衰老食非精細不能下咽氏善於烹調能得其歡夫歿子食祿甫週歲以長以教卒能身列庠序

馬氏畱孟里郭康寧妻年十八夫故越五月始生子家貧夫弟二俱幼夫嫂朱孀居病床未幾姑亦病氏賣粧奩奉侍湯藥後姑與夫嫂相繼歿舅亦旋亡殯葬盡誠盡敬撫育二叔及子俱得成立

王氏范村里李維熊妻年十八夫故舅姑痛子死幾欲忘生死泣涕勸慰孝養懇至數十年如一日取姪光先爲嗣



樊氏通明坊王化藩妻年二十化藩死姑亦相繼歿  
舅老病子方數月氏經營喪葬備極拮据舅歿亦  
如之辛勤四十餘年爲子娶婦生孫皆氏力也

喬氏犯村里生員孫紹統妻年二十四夫死事姑盡  
孝子元勳尙在襁褓氏撫之成立爲邑明經學使  
德旌之

原氏長三里楊作楹妻年二十三夫亡子僅一歲氏  
保護倍篤及子卒又撫孤孫成立親族有窮餓者  
氏必周卹之

徐氏習義坊喬希曾妻年十八喪夫誓死自守孝翁  
姑和妯娌主中饋不辭辛勤

常氏陳村里李挺萃妻年二十夫亡遺子望齡甫二  
歲家貧無依紡績度日撫子成立後入膠庠守節  
三十一年而卒

劉氏長三里尉克藝妻賦性貞靜事病姑克盡婦道  
姑歿姒卧疾十餘年氏事之不敢懈有孤姪三歲  
失怙氏撫之成立學使州伯俱旌其門

王氏范璧里柴憲廷妻繼姑早世遺二子俱幼氏以

已乳哺之後得成立舅姑老多病氏躬為侍奉寒  
煥必問三十年如一日郡守宮旌以匾

范氏史村里貢生賈連藻妻舅患背疽濃不能出氏  
吮之乃愈歷事繼姑俱得其歡撫幼叔成人人皆  
稱之

王氏 李可植妻  
又媳王氏

董氏 李加修妻  
又媳梁氏

劉氏 李杓妻又  
孫媳靳氏

喬氏 陳五  
常妻

王氏 曹構  
妻

楊氏 李景  
陽妻

王氏 郭兆  
麟妻

孔氏 劉家  
楫妻

馬氏 劉家  
正妻

樊氏 李唐  
祚妻

王氏 李唐  
裔妻

王氏 崔含  
錫妻

馬氏 陳自  
新妻

郭氏 常价  
妻

許氏 李標  
榜妻

李氏 李時  
春妻

譚氏 李丕  
績妻

譚氏 李丕  
承妻

張氏 孫可  
便妻

郭氏 陳中  
邦妻

崔氏 周承  
緒妻

王氏 陳祥  
鳳妻

范氏 曹際  
熒妻

王氏 鄭伸  
妻

柴氏 李光  
宇妻

賈氏 劉堯  
治妻

郭氏 陳羨 媯妻  
曹氏 韓緝 瑞妻

陳氏 王之 鳳妻  
李氏 生員 韓祥妻

以上俱載通志及平陽府志

李氏 范璧里王 鼎泰妻

宋氏 長三里趙 景帝妻

李氏 北柳里 王前妻

賈氏 北柳里王 稱奇妻

侯氏 通明坊 任愷妻

韓氏 通明坊 庠生任懷妻

吉氏 尊王里李 果良妻

陳氏 靑凌里 王鵬妻

楊氏 長三里趙 禪正妻

丁氏 晉南里陳 騰雲妻

撒氏 習義坊朱 提江妻

李氏 永梅里李 林香妻

王氏 史村里黃 君殿妻

白氏 長三里增 趙公亮妻

董氏 史村里賈 景珩妻

李氏 史村里 石琮妻

韓氏 北柳里生員 陳喬年妻

蓋氏 通明坊 李棟妻

郭氏 文村里李 廷龍妻

王氏 仇張里 李鑰妻

劉氏 仇張里生 員李檀妻

趙氏 仇張里監 生李幹妻

董氏 仇張里監 生李紹洵妻

常氏 靑凌里王 致和妻

李氏 犯村里王 萬字妻

馬氏 北柳里李 無咎妻

馬氏 賀大里宋 建盛妻

孫氏 東廂坊王 吉士妻

王氏 馮范里 續綽妻

張氏 仇張里梁 異麟妻

陳氏 喬也里生員  
撤大智妻

石氏 賀大里王  
延弼妻

譚氏 賀大里楊  
培秀妻

李氏 永梅里  
張翊妻

王氏 史村里賈  
衣榮妻

范氏 永梅里楊  
為柱妻

馮氏 馮范里生員  
許鵬九妻

郭氏 喬也里  
李炳妻

王氏 陳村里  
徐濶妻

燕氏 史村里賈  
漢英妻

王氏 陳村里陳  
又實妻

席氏 史村里賈  
大儒妻

郭氏 犯村里王  
旌詔妻

任氏 喬也里  
蓋宏妻

王氏 喬也里蓋  
相南妻

史氏 通明坊郭  
宜振妻

張氏 更名里張  
運昌妻

蘇氏 史村里  
里人

張氏 紫家里  
裴偉妻

王氏 陳村里  
徐瑁妻

史氏 仇張里李  
中信妻

崔氏 范璧里佐  
國仁妻

許氏 柏封里劉  
芳儒妻

楊氏 長三里王  
致中妻

楊氏 永梅里張  
毓錦妻

范氏 史村里賈  
俟聖妻

樊氏 任村里郝  
天爵妻

范氏 史村里監生  
賈奉聖妻

土氏 犯村里  
孫濬妻

王氏 紫家里任  
嘉書妻

徐氏 陳村里陳  
欲良妻

李氏 尊王里曹  
際燦妻

馬氏 喬也里李  
宗淵妻

王氏 北柳里李  
無惰妻

任氏 北柳里李  
念怍妻

許氏 北柳里李  
即用妻

鄭氏 史村里廩生

柴氏 史村里馬

鄭氏 柏封里王

劉氏 柏封里王

康氏 柏封里生員

翟氏 晉南里李

鄭氏 長干里鄧

吳氏 柏封里王

李氏 賀大里張

周氏 宋莊里張

王氏 史村里生員

郭氏 雷孟里馬

吉氏 尊王里樊

梁氏 仇張里李

靳氏 陳村里

衛氏 尊王里

楊氏 鄭柴里陳

鄧氏 鄭柴里

馬氏 范璧里王

加氏 宋莊里監

史氏 宋莊里張

楊氏 北續里

王氏 柏封里劉

王氏 習義坊賈

柴氏 馮范里康

任氏 通明坊任

陳氏 青凌里

吳氏 北册莊李

張氏 喬也里蓋

胡氏 東廂坊王

許氏 尊王里樊

張氏 史村里侯選

王氏 犯村里孫

朱氏 犯村里孫

董氏 尊王里曹

賈氏 史村里庠

石氏 仇張里張  
恒蒙妻

任氏 陳村里  
柴柞妻

賈氏 史村里范  
友貞妻

王氏 史村里賈  
憲聖妻

王氏 史村里賈  
凝祿妻

吉氏 史村里武生  
賈伯元妻

徐氏 陳村里  
韓智妻

申氏 通明坊  
任恂妻

趙氏 習義坊  
崔忠妻

柴氏 史村里  
范玠妻

裴氏 史村里韓  
侯裔妻

王氏 馮范里高  
因隅妻

翟氏 橫水里  
郭鈴妻

馬氏 任村里楊  
文周妻

喬氏 范村里王  
恭迎妻

張氏 賀大里姚  
可祥妻

郭氏 冷口里郭  
丕振妻

衛氏 晉南里張  
齊文妻

李氏 柏封里馬  
耀廷妻

李氏 北續里監生  
原伸憲妻

劉氏 史村里范  
繼昌妻

馬氏 通明坊任  
克謙妻

王氏 永梅里周  
繼昌妻

范氏 仇張里李  
有成妻

王氏 陳村里柴  
世祿妻

王氏 鄭柴里  
陳茂妻

王氏 冷口里  
張揚妻

王氏 通明坊趙  
國正妻

王氏 陳村里徐  
國敬妻

張氏 長干里尉  
克家妻

李氏 范璧里柴  
本直妻

康氏 永梅里劉  
中道妻

王氏 陳村里周  
世祿妻

王氏 史村里賈  
九齡妻

朱氏 雷孟里郭  
如嵩妻

劉氏 北續里范  
元鳳妻

李氏 鄭柴里許

馮氏 馮范里高

范氏 永梅里楊

石氏 橫水里郭

張氏 陳村里陳

焦氏 陳村里

嚴氏 橫水里郭

周氏 橫水里郭

系

系

三

